

漢魏六朝百三家集

崔亭伯集

江苏工业学院图书馆
藏书章

崔亭伯集題辭

漢肅宗好崔亭伯文章稱於竇憲有
真龍之目憲遂揖爲上客自古文人
遭時遇主未或無因而前趙良嬖人
長卿狗監作合之始不辭汙泥亭伯
以四頌結知天子躬親薦達貴臣曳

履迎門其榮重亦百世一時也竇氏
驕恣屢獻規誠忤意見疎樂浪小邑
竟長甘肥遯披其文詞十過杜欽之
說王鳳矣亭伯少與班傳齊名未遑
仕進時或譏其玄靜乃作達旨以匹
解嘲立言之致初若符節及其終也

子雲抱恨於投閣亭伯成名於遼陰
文之爲文非言之難行之難也崔氏
顯人西漢代有崔發諂事王莽官至
司空崔篆羞之閉門榮陽重自傷悼
而賦慰志言及建新其耻同於氓詩
之塉垣復關也亭伯處士年少箴刺

貴戚翻然高蹈無忝先子此之謂乎
何必銘昆吾之鼎勒景襄之鐘然後
名得意哉

婁東張溥題

東漢崔亭伯集目錄

賦

反都賦 有序

大將軍西征賦 有序

大將軍臨洛觀賦

著述

達旨

書

與竇憲書

牋

與竇憲牋

又

又

箴

太尉諸箴

司徒箴

大理箴

虎賁中郎箴

河南尹箴

酒箴

銘

仲山甫鼎銘

車左銘

車右銘

車後銘

樽銘

襪銘

縫銘

刀劒銘

又

刻漏銘

六安枕銘

扇銘

頌

上四巡頌表

西巡頌

有序

南巡頌
有序

東巡頌

北巡頌
有序

漢明帝頌

北征頌

杖頌

議

章帝謚議

論

博徒論

又

七

七依

雜文

婚禮結言

詩

安封侯詩

七言詩

附錄

本傳

崔亭伯集目錄終

東漢崔亭伯集卷全

漢安平崔駰著

明太倉張溥閱

賦

反都賦

有序

漢歷中絕、京師爲墟、光武受命、始遷洛都、客有
陳西土之富、云洛邑褊小、故略陳、駸敗之、機不
在險也、

建武龍興、奮旅西驅、虜赤眉、討高胡、斬銅馬、破

骨都收翡翠之駕、據天下之圖、上帝受命、將昭
其烈、潛龍初九、真人乃發、上貫紫宮、裴徊天闕、
握狼狐、蹈泰伐、陶以乾坤、始分日月、觀三代之
餘烈、察殷湯之遺風、背嶠函之固、卽周雒之中、
興四郊、建三雍、禪梁父、封岱宗、

大將軍西征賦

有序

主簿駟言愚聞昔在上世、義兵所克、工歌其詩、
賢陳其頌、書之庸器、列在明堂、所以顯武功也。
於是襲孟秋而西征、跨雍梁而遠蹤、陟隴阻之

峻坂升天梯、以高翔旗旒、翼如遊風、羽毛紛其
覆雲、金光皓以奪目、武鼓鏗而雷震、

大將軍臨洛觀賦

濱曲洛而立觀、營高壤而作廬、處崇顯以閒敞、
超絕鄰而特居、列阿閣以環匝、表高臺而起樓、
步輦道以周流、臨軒楹以觀魚、於是迎夏之簪、
未春之垂、桃枝天天、楊柳猗猗、旣乃日垂、
中曜內光、弛銜縱策、逸如奔颺、